

01 上好鼻的臭臊味

張涵婷

「倚山食山，倚海食海」，澎湖四箍圍仔攤是海，所以有真濟人攏是看海咧食穿，阮阿媽就是咧賣魚的。逐工天才拍踎仔光，伊就愛騎 oo-tōo-bai 去漁港標魚恰賣魚。寒天風 siū-siū 叫，我閣咧包棉襪，伊已經出門矣，實在足辛苦的。

阮阿媽標魚恰賣魚的工夫攏真厲害，伊定定佇阮面頭前尻川翹懸咧臭屁。「我今仔日標魚豐人佢濟？予恁騰看覓？一箍！才一箍！有厲害無？」阿媽定定半賣半相送，而且閣袂共人食秤頭，生理好甲沖沖滾，規魚仔市的人無一个毋捌伊的。伊賣的魚百百種，熱天小管仔上濟；寒天當然是上好食的塗魷魚。

雖然我愈來愈大漢，學校的功課嘛愈來愈濟，毋過我上期待的就是放假的時陣，去魚仔市共阿媽鬥相共。我雨鞋穿咧、帽仔戴咧，遠遠就大聲喝：「阿媽，我來矣！」阿媽喙笑目笑共人紹介：「這阮孫啦！全澎湖山上古錐的。」「來喔！來喔！現流仔，逐家緊來買喔！」阿媽負責剖魚，我負責提囊仔共人客貯魚恰鬥收錢。阿媽喙焦，我提涼水予伊欸；我腹肚枵，阿媽買雞卵糕予我食。毋知啥物原因，今仔日生理特別好。逐个人攏呵咾講：「恁孫哪會遮爾仔勢。」

阿媽聽了心花開，就偷偷拚兩百箍予我做私奇。

我偷偷仔共恁講一个祕密，其實我真驚臭臊味。雖然魚仔市有臭臊味，扭開始我真袂慣勢，喙罌掛牢牢。後來我發現恰阿媽那賣魚那開講，其實啥物味嘛攏無鼻著。阿媽的身軀嘛定定有臭臊味，毋過我知影這是阿媽疼惜我的滋味。見擺伊若看著上鮮上肥的魚攏會先留落來，人客想欲買，伊會講：「真歹勢，這尾魚是欲留予阮孫食的，無欲賣啦！」見擺伊若下班，身軀猶未洗，就會共上鮮的魚提來阮兜，閣交代阿母一定愛煮魚湯予我食。阮兜的冰箱有滿滿的海產，食都食袂完。

自細漢我就食魚食到大漢，澎湖的海產予人呵咾甲會觸舌。你若足來澎湖迫迫，會記得來共阮阿媽交關喔！

05 蛇蜚阿祖

曾菁怡¹

彼工欲暗仔，阮共一包猶未食了的鹹酥雞囿佇桌頂，規家伙仔就出門去運動。轉來的時已經暗矣，看著桌頂彼包芳貢的鹹酥雞，隨閣感覺楞饒起來，想講來食一下仔啖慘咧，結果今仔共徒振動，幾若隻親像我尾指遐爾大的蛇蜚就對內底趑出來，動作猛掠對四面八方旋去。雖然規個過程干焦幾秒鐘，但是已經造成驚天動地的效果，我彼兩個阿姊吱吱叫的喝咻聲，強欲共厝頂掀開！

蛇蜚敢有遐恐怖？老實講，我對這種蟲多有淡薄仔佩服。老師捌共阮講過，幾億年前，蛇蜚就佇咧地球生活，算起來會當講是活化石。毋過大多數的人對伊擺無恰意，可能伊紅紅扁扁的外表無真孿，閣愛無聲無說趑來趑去，兩枝鬚不時都撇咧撇咧，予人毋知伊咧想啥，嘛毋知伊繼落來會有啥物動作。猶閣有一步標，蛇蜚是會飛的蟲多，伊無親像蝶仔按呢飛起來若跳舞的仙女，予人看著著心情就爽快，顛倒是像呷抹掠的檳榔舶按呢飛來飛去，予人看著就想欲提淺拖仔共舂落來。

阮兜干焦阮彼兩個阿姊驚蛇蜚，對個來講，指頭拇大的蛇蜚敢若是會食人的暴龍，逐甲個無地覷。有一擺阿姊的房間傳來 pin-pin-piàng-piàng 的聲，過無佬久就聽著個哀

爸叫毋咧喝：「救人喔！救人喔！」我一下入去個房間，阿娘喂，規个房間若戰場咧！椅子、桌仔歪膏擱斜，課本文具披甲規塗跔，電風嘛毋知予啥物物件撼著，頭煞歪一片。兩個阿姊枕頭摺摺佇眠床頂若釘根咧，目睷晚彼隻佇壁堵的蛇蜚。蛇蜚的翼一下展開，阿姊個就開始吱吱叫，佇眠床頂跳來跳去。

我隨褪一跤淺拖仔，講：「免驚！我來救恁矣！」我共彼隻蛇蜚飛行的路線相準準，按算提淺拖仔共拍落來。毋過伊敢若知影我的心思，逐擺都早一步閃過我的攻擊。我舞甲怦怦喘，彼隻蛇蜚顛倒看著老神在在，敢會是咧對我耀武揚威？

落尾我心肝掠坦橫，相準準就提淺拖仔大力共擊過去，啥人知影，阮二姊哀一下講：「你哪會提淺拖仔共我擊啦？」

¹ 曾菁 (Tsing) 怡

06 細漢要抽鬮仔

洪牡丹

佇我細漢的時，有一工咧捫厝內，去反著無欲愛的一寡紙條仔。我雄雄想著，若是佇頂面寫字，了後對捌閣對捌，按呢就變做一款「抽鬮仔」的耍法。絀落來我閣四界揣幾項仔看起來好好，毋過已經用袂著的物件，親像是無欲要的玻璃珠仔、學校分的文具攏提來當做獎品。若是抽著「著獎」抑是「恭喜」，就會當揀一項去。攢好趕緊提予我的姊妹仔抽看覓，我猶閣會記得我的姊妹仔攏要甲笑哈哈。了後個竟然嘛家已攏變出各種有個家已特色的「鬮仔」，我不時嘛去抽著個進前對我遮抽去的物件。閣較敵的是，竟然嘛有歹去的迤迤物仔、斷跤斷手的尪仔、對算盤落落的子仔……。你共想看覓，絀落這個耍法對阮兜滾出去，厝邊頭尾時行起來的時陣，會舞出佻濟笑談代。

逐家的「擔仔位」排做伙的時，有夠鬧熱，親像一個小小的市仔。所費較濟的因仔，個的獎品攏是較好的抑是新買的，阮逐家看甲強欲流瀾。猶毋過想欲抽著，無遐爾簡單，可能著愛提出今仔日全部所趁的物仔，才會當換著一改，通好去抽彼個上高級的「抽鬮仔擔」，閣無定著抽會著。若是抽無著，今仔日就「倒擔」囉！「倒擔」了後，當然嘛是四界閣去揣看取有啥物原本無揣著的物件，通好

揀去做獎品，抑是自動去捫掃厝內外，看有所費通討無？猶閣有人發覺講家已哪會遐歹運，逐擺都攏予人抽著獎品，強強欲倒矣，一下檢查才發現，自頭咧做鬮仔的時，就袂記得做無著獎的鬮仔，當然逐個嘛著獎，予人抽甲爽歪歪。大人那泡茶閒講，那笑笑看阮這陣少年頭家咧做生理，有人花花仔，有人倒擔去，有夠趣味！阮全部的擔頭家攏足向望遐的序大人會當來交關，按呢阮才有較濟現金，毋過個才無咧懣咧，袂開錢換一寡無路用的物件轉去，予人當做盼仔，連來交關一下都無通，干焦目睷金金看阮咧變啥題，予阮逐個氣甲欲死。這馬想起來，實在是有夠笑談！